



Izjava supervizora za Brcko, Rafi Gregorijana, na konferenciji za novinare u OHR-u Brcko

Kada sam stigao u Brčko prije više od dvije godine rečeno mi je da Brčko ima sve što mu je potrebno da uspije osim odgovornosti.

Duboko sam razočaran što odgovornosti i dalje nema u Brčkom.

Jučerašnja konstitutivna sjednica Skupštine Brčko Distrikta je bila fijasko.

Ovo je drugi put da se odvajam od brojnih obaveza koje proističu iz mojih novih dodatnih dužnosti da bih u Brčkom prisustvovao onome što je trebalo da bude glasanje za novog predsjednika Skupština, zamjenika predsjednika Skupštine i gradonačelnika.

Poslanici su zloupotrebili povjerenje javnosti time što su propustili da izvrše svoju dužnost za koju još od sredine novembra primaju više od 2000 konvertibilnih maraka mjesечно, ponaosob.

U toku proteklih nekoliko mjeseci moje osoblje i ja smo pokušavali da omogućimo razgovore između svih stranaka tako da bi se održiva, legitimna vladajuća koalicija koja podržava Distrikt formirala u skladu sa Konačnom odlukom i Statutom i koja bi imenovala gradonačelnika i šefove odjeljenja koji nisu radili u prethodnoj vladi.

Čini se da je jasno da poslanici imaju drugačije namjere od kojih neki idu tako daleko da se čak podsmijevaju ovom procesu. S tim se ne treba šaliti jer se svakim danom bez novog budžeta ili ovlaštenja nanosi još veća šteta Distriktu što ima negativan uticaj na živote i egzistenciju hiljada ljudi dok sadašnja vlast donosi odluke koje su, u najboljem slučaju, upitne.

Neki su sugerisali da bi izlaz iz ove situacije bili novi izbori. Neki su mi sugerisali da ja imjenujem osobe na te pozicije. To nisu rješenja već izbjegavanje odgovornosti. Distrikt bi trebalo da je dostigao nivo na kojem, u skladu sa Konačnom odlukom, njegove institucije funkcionišu efikasno i po svemu sudeći trajno.

U periodu dok se približavamo ustavnom rješenju za Brčko na državnom nivou izabrani poslanici **u** Brčkom bezobzirno potcenjuju institucije Distrikta. Time dovode u opasnost završetak implementacije Konačne odluke. Ja neću prihvati takvo ponašanje.

Stoga ću preuzeti dvije mjere koje imaju za namjeru da primoraju izabrane poslanike da rade svoj posao.

Kao prvo, nalažem momentalnu obustvu svih poslaničkih plata počevši od plata za januar sve dok ne izvrše svoju dužnost u pogledu imenovanja predsjednika Skupštine, zamjenika predsjednika Skupštine i gradonačelnika. Ako poslanici neće da rade onda ne bi trebalo da budu plaćeni. Kada počnu da rade onda će početi da primaju plate.

Kao drugo, nalažem da moje osoblje počne da radi sa Direkcijom za finansije u pripremi novog budžeta za 2009. godinu koji će ispuniti zakonske obaveze i potrebe Distrikta. Biću spreman da nametnem ovaj budžet ako, nakon što 31. marta istekne rok iz mog naloga o privremenom finansiranju, Skupština ne usvoji sopstveni budžet.

Suvišno je reći, ali bilo kakav budžet koji bih ja nametnuo će biti u skladu sa onim što je u objektivnom najboljem interesu Distrikta, ne sa nacrtom budžeta prethodne vlade ili sa onim što bi mogli biti prioriteti nove vladajuće koalicije.

Izražavam žljenje što sam prinuđen da preuzmem ove mjere, ali, nažalost, osjećaj stida nije motivišući faktor za političare u ovoj državi. Stoga su ovakve mjere potrebne kako bi oni bili primorani da rade svoj posao.

Takođe bih htio da se osvrnem na presudu koja je juče donesena u predmetu ratnog zločina.

Kao prvo, izražavam duboko poštovanje prema hrabrosti koju je pokazala žrtva u ovom predmetu.

Kao drugo, htio bih da čestitam Tužilaštvu na izvršenom radu i što su time doprinijeli izgradnji povjerenja javnosti

u vladavini prava.

I kao treće, cjeneći dobro obavljen posao suda u ovom predmetu moram da izrazim čuđenje prema zakonima koji dozvoljavaju da osobe osuđene zbog vršenja nasilnih krivičnih djela ostanu na slobodi do okončanja sudskog postupka. Mi ćemo razmotriti važeće zakone kako bi vidjeli da li bi nešto trebalo izmjeniti u ovom pogledu.

Hvala vam.